

Publication/Creation

July 1953

Persistent URL

<https://wellcomecollection.org/works/z2kxdcdc>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.

salubrius & apostemata eorum, & vlcera? quoties vidi ipsam quasi seipsam defatigantem, cum vno die in paralceue paschatis superioris triginta octo strumosos curaret? At quos qualesue viros & foeminas? oris certe aspectu, & corporis turpiores, & foeditate sordidiores; quas tamen exteriores turpitudines & sordes eius MAIESTAS æquioribus oculis aspicere, nec aspicere solum, sed tangere, eoque tactu manuum suarum sanare per eam gratiam quam sibi Deus largitus est, non est dedignata: quos tamen aliquæ fortassis fastidiosæ mulieres, ac viri ex delicatulis illis, ac molliculis, sibi supplices pro ope vel stipe medicantes, planè & oculis aspernarentur, & auribus respuerent, totisque supercilijs renuerent aliquando, at hos sordibus oppletos, squalentes, morbosos, & lachrimabiles ELIZABETHA princeps eo splendore, & magnificentia regia qua est, nullatenus reformidat, respuit, aspernatur, sed habet in summis delicijs non modo præbere alimoniam Christi egenis & pauperibus huius mundi; verum etiam medelam & salutem præstare singulis expolcentibus. Quid est quod in hac infinita laude anteponam? Virtutem an foelicitatem, altitudinem fortunæ, an humilitatem Christianam, religionem, pietatem, fidem, ac charitatem, misericordiam, clementiam, mansuetudinem inauditam? Credat hoc quisquam ex posteritate sera,

olim

olim in remotissimis orbis ter rarum partibus nunc viuens, esse primariam sceminam, regiam virginem, insulæ maximæ ac beatissimæ Imperatricem, Oceani reginam, opibus florentissimam, abundantissimam rebus gestis, circumfluentem delicijs modo placeret, affluentem diuitijs, (quantum ipsa omnium regum quot sunt, quotque fuerunt, temperatissima esse credatur, & in summo dignitatis fastigio moderatissima,) adeo tamen curam ac sollicitudinem agere eorum, qui eius ope ac suppetijs indigerent, adeo laboriosam & exercitam esse in hoc genere curationum, ut impendio magis anxia sit, indiesque magis, magisque studiosa sit talium salutem procurare, vel impetrare precibus à Deo, & præstare reipsa foelicitate & admirabilitate tanta, & tam sæpè, & tanta cum solennitate? credat, certè necesse est, qui hæc oculata fide viderit plus millies vel auditione acceperit à testibus fide dignioribus, et omni exceptione maioribus (quorum numerus magnus est) vel legisse se meminerit antiquis similia diuinarum signa virtutum, etiam nostris temporibus (ut loquar cum Augustino) frequentari in ecclesia: non enim in angulo fiunt istæ curationes admirandæ, sed in celebritate hominum, in luce & oculis ciuium, omniaque benefacta in luce se collocari desiderant, intra parietes curiæ, in ipso palatio, & in loco precibus dedicato, tempore orationis peraguntur, obstupefcentibus nobis, ac vna cum eius Maie-

O 3

state